



Inatsisartunut ilaasortaq Jens Kristian Therkelsen

Asasara Jens Kristian Therkelsen

07-03-2023
Sullap nr.: 2023 - 2845
Id. nr. 84775961

Inatsisartut suleriaasianni § 37 naapertorlugu Qaarsunni talittarfik pillugu Naalakkersuisunut apeqquaqateqarputit. Apeqquaqaatitit uannit akineqartussatut innersuunneqarput. Apeqquqtitit ataani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqquq 1: Nunaqarfik Qaarsunni talittarfiup qanoq aserfallassimatigineranut nalunaarusiaqarpa?

Akissut:

Namminersorlutik Oqartussat ukiut tamaasa Namminersorlutik Oqartussat talittarfiisa qanoq-issusiinik nalunaarsuullutillu iluarsartuussisarput. Nunap immikkoortortaannut tallimaasunut agguataagaalluni Umiarsualivinnut immikkoortumut pilersaarummi aserfallatsaaliuinissami periusissaq allaatigineqartoq naapertorlugu tamanna ingerlanneqartarpoq. Nunap immikkoortortaa Avannaa, nunap immikkoortortaa disko, nunap immikkoortortaa qeqqa, nunap immikkoortortaa kujataa kiisalu nunap immikkoortortaa kangia. Ukiut tamaasa nunap immikkoortortaa ataatsimi qanoq-issutsinik nalunaarsuisoqartarpoq, nunallu immikkoortortaa ataatsimi aserfallatsaaliuisoqartarluni.

Qaarsunni talittarfimmi kingullermik 2022-mi qanoq-issutsimik nalunaarsuisoqarpoq. Nalunaarsuusiami talittarfik ukiuni tallimat qulit tungaannut sulit piusinnaassasoq nalilerneqarsimalluni – talittarfiullu qajannaallisaataa ersittoq illersuuserneqaruni ukiuni amerlanerusuni aamma piusinnaalluni. Talittarfik tininngasumi silarlulaartillugulu atorsinnaanera pitsaasuunngilaq, taamaattumik siunissami nutaamik pilersinneqarqinnissaa pilersaarusiorneqassasoq, tassungalu atatillugu sumiiffimmi allami pitsaanagerusumi talittarfissaliofissaqqittoqarnersoq eqqarsaatigineqassasoq qanoq-issutsimik nalunaarusiatigut innersuussutigineqartariaqarpoq. Taamaattumik tinikkaangat talittarfiup imartaaruttarnerata ilaatigut tunngavigalugu nutaamik talittarfimmi pilersitsisoqassappat misissueqqissaarnissamut, Iluarsartuussinermut Aqutsisoqarfik neqeroortitsiniarpoq tamatuma qanoq akeqarsinnaanera paasisaqarfigiumallugu.

Apeqquq 2: Nunaqarfik Qaarsunni talittarfiliortoqarnissaa, nutarsarneqarnissaaluunniit qanoq akeqartinneqarpa?

- a. Apeqquqtit taakkua akisinnaanngippata, taakkuninnga paasisutissanik pissarsiniarnissanut aningaasartuutissat akissuteqarfigineqarnissaat piumasarineqarpoq.

Akissut: Avannaani talittarfiit iluarsartuunneqarnissaannut tunngatillugu neqeroorteqartitsinissaq Iluarsartuussinermut Aqutsisoqarfiup massakkut suliarileruttorpaa. Siuliani eqqaaneqarluni Qaarsuni talittarfik pillugu misissueqqaarnissat neqeroortitsinissami tassani ilaatinneqarpoq. Neqeroortitseriaaseq eqqarsaatigalugu, neqeroorummillu pitsaanerpaamik pissarsiniarnissaq siunnerfiuvoq. Qanoq ittumik talittarfimmik aammalu nunaqarfiup eqqaani sumi piukkunnarnerpaasut akornanni sorleq pitsaanerussanersoq aammalu pisariaqartitsineq aallaavigalugu nalunaarusiornerit piareersimanissaat, tassungalu atatillugu neqeroorutiniq tigusimatinnata qanoq tamanna akeqassanersoq inerniliussaqaqarfigiuminaakkallarpoq.

Naalackersuisuniillu pingaartinneqarpoq nunaqarfimmi aqutsisut, kommune aammalu atuisut qanimut suleqatigalugit qanoq aaqqiisuteqarsinnaanersoq akuutitsinikkut sulisoqarnissaa.

Apeqqu 3: Nunaqarfik Qaarsuni talittarfik atorsaasutut naammaginartutullu Naalackersuisuniit nalilerneqarsinnaava, imaluunniit nutaamik pilersitsisoqarnissaanut pilersaaruteqartoqarpa?

Akissut: Tininngatillugu Qaarsuni talittarfik imartaaruttarpoq, nunatsinnilu talittarfiit aserfallatsaaliorneqarnissaanni kinguaattoorutit pillugit Namminersorlutik Oqartussat 2021-mi nalunaarusiaat naapertorlugu, talittarfiup aserfallatsaaliorneqarnissaanni kinguaattoorutaasoq 92 %-inut naatsorsorneqarput. Taamaakkaluartoq qulaani eqqaaneqartutut talittarfik ukiuni tallimanit qulit tungaannut suli piusinnaassasoq nalilerneqarpoq – talittarfiup qajannaallisaataa ersittoq illersuuserneqaruni ukiuni arlaqarneroratarsinnaalluni.

Nunatsinni talittarfinnik aserfallatsaaliuinissami kinguaattoorutit annikillissallugit Naalackersuisut anguniagaraat. Kinguaattoorutillu appartinneqarnerusinnaapput Inatsisartut aningaasanut inatsisaanni annertunerusumik immikkoortitsivigineratigut.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Erik Jensen